

- 1' Den vordantz hat man mir gelan
- 2' Dann ich on nutz vil bûher han
- 3' Die ich nit lyß / vnd nit verstan

Kap. 1



von vnnutzen buchern.

- 1 Das ich sytz vornan jn dem schyff
- 2 Das hat worlich eyn sundren gryff
- 3 On vrsach ist das nit gethan
- 4 Vff myn libry ich mich verlan

2' ich GW5046 GW5047] jeh GW5041 2 sundren GW5041 GW5046] fundern GW5047

5 Von büchern hab ich grossen hort
 6 Verstand doch drynn gar wenig wort
 7 Vnd halt sie dennacht jn den eren
 8 Das ich jnn will der fliegen weren
 9 Wo man von künsten reden tüt
 10 Sprich ich / do heym hab ichs fast güt
 11 Do mitt loß ich benügen mich
 12 Das ich vil bücher vor mir sich /
 13 Der künig Ptolomeus bstelt
 14 Das er all bücher hett der welt
 15 Vnd hyelt das für eyn grossen schatz
 16 Doch hat er nit das recht gesatz
 17 Noch kund dar vß berichten sich
 18 Jch hab vil bücher ouch des glich
 19 Vnd liß doch gantz wenig dar jnn
 20 War vmb wolt ich brechen myn synn
 21 Vnd mit der ler mich bkümbren fast
 22 Wer vil studiert / würt eyn fantast
 23 Jch mag doch sunst wol syn eyn here
 24 Vnd lonen eym der für mich ler
 25 Ob ich schon hab eyn groben synn
 26 Doch so ich by gelerten bin
 27 So kan ich jta sprechen jo
 28 Des tütschen orden bin ich fro
 29 Dann ich gar wenig kan latin
 30 Jch weiß das vinum heisset wyn
 31 Gucklus eyn gouch / stultus eyn dor
 32 Vnd das ich heiß domne doctor
 33 Die oren sint verborgen mir
 34 Man säh sunst bald eyns müllers thier

16 hat *GW5041 GW5046*] hett *GW5047* **17** kund *GW5041 GW5046*] fehlt *GW5047* **23** here
GW5041 GW5046] her *GW5047* **32** domne *GW5041 GW5046*] domine *GW5047*